

VVERNHERVS COMES IN GRIENINGEN.



V Vernherus filius fuit Huldrici comitis Virtē bergēſis. Is poſt patrem comitatum Grieningen adeptus, res plurimas in Imperio præclare geſſit, ac inter Germaniæ proceres in magna authoritate fuit, anno Chriſti 1120. Cum aliquando Vuernherus Heinricum Imperatorē eius nominis quintum ex Sueuia in Haſſiam comitaretur, amœnitate regionis motus, ab eo locum, qui tunc ſolitudo erat, ſibi dari petijt. Eius uoti compos factus ex ſuis bonis monaſteriū Breytnauu ibidem fundauit, atq; duodecim fratribus ex Hirſgauia uocatis inhabitandum conceſſit. Hiſce Trutuinum abbatē præfecit. cum autem is breui moreretur, Heinricum ui-

rum ſanctum ex Hirſgauia uocatum ei ſubſtituit: ſub eo fundamenta maioris eccleſiæ S. Mariæ iecit, atq; monaſterium multis redditibus exornauit. Cum poſtea comes in eo loco moreretur, totam monaſterij adminiſtrationem ab-
 bati conceſſit. Naucler. Generat. 38. à nato Chriſto.